

寶慶四明志

四明志卷第六

郡志卷第六

叙賦下

市舶

漢揚州交州之域東南際海海外雜國時
候風潮賈舶交至唐有市舶使總其征

皇朝因之置務于浙于閩于廣浙務初置
杭州 淳化元年徙明州六年復故 咸
平二年杭明二州各置務其後又增置于
秀州温州江陰軍在浙者凡五務

光宗皇帝嗣服之初禁賈舶至澈浦則杭
務廢

寧宗皇帝更化之後禁賈舶泊江陰及溫
秀州則三郡之務又廢凡中國之賈高麗
與日本諸蕃之至中國者惟慶元得受而
遣焉初以知州爲使通判爲判官旣而知
州領使如勸農之制通判兼監而罷判官
之名 元豐三年令轉運兼提舉 大觀
元年專置提舉官三年罷之領以常平司
而通判主管焉 政和三年再置提舉

建炎元年再罷歸之于轉運使二年復置
乾道三年乃竟罷之而委知通知縣監官
同行檢視轉運司提督寶慶三年尚書
胡榘守郡捐幣以屬通判蔡範重建市舶
務且記之謂凡官府之治無非理吾地也
而此則以徠遠人凡法度之修無非濟吾
民也而此則以觀四國惟清其心如水之
澄公其手如衡之平昭其見如燭之明而
又濟之以能勤行之以近恕則觀感之餘
彼當自化鯨波萬里如履坦途縑貨瑰寶

將日陳於斯庭而帑藏無一之不充矣先

是尚書嘗請于朝示招誘優卹之意嚴

收支綜覈之法劄子附見于下證對本府

全靠海船住泊有司資田稅之利居民有

貿易之說契勘船務舊法應商船販到物

貨內細色伍分抽壹分貨色物貨柒分半

抽壹分後因船商不來申明戶部乞行優

潤續準戶部行下不分麗日本船綱首雜事拾玖分抽壹分餘船

客拾伍分抽壹分至船務必一申明蒙戶部行下令證條抽

解施行竊見舊例抽解之時各人貨物貨分

作壹拾伍分抽壹分船務抽壹分起發上供綱首

抽壹分和買兩倅廳各抽壹分低價和買共已取

其柒分至給還客旅之時止有其捌則幾

於伍分取其貳分於伍分取其貳分

漏不肯將出抽解渠自到此灼知抽解之
害重困舶商鏤榜公海招誘明諭以本府
斷不和買分文抽解上供之外即行給還
客旅舶舟方次第而來其通判蔡奉議亦
能奉承本府招誘優恤之意舶舟纔至即
約守倅同下務公平抽解更無留滯並不
強買即行給還以故船貨之價頓減而商
舶往來流通今年抽解最輕誠為僥倖惟
是船務一司自乾道二年因臣寮奏罷提
舉市舶專官且言

祖宗舊制有市舶處知州帶提舉市舶通
判帶主管官當時已降指揮委知通判同
行檢視漕司提督今漕司令倅為主管官
專出納之任本府不過月一押簿曆而不
預其收支之事其本務抽到物貨如細色
盡行起發如鹿貨及板木則存本伍分規
納脚糜費未免間有贏餘以起上下觀望
前乎此廉者資以為餽送之起上不廉者
為席卷之計實為弊事要當更革所合真
申朝廷欲乞割下本府令守倅常切同

共點檢收支簿書文曆遇有出納收支並
具稟長官判押方許施行庶幾稍革弊源
免累倖貳飢塞侵踰之害稍裕公上之供
其抽解分數只證逾年例拾伍分抽壹綱
首雜事拾玖分抽壹以為招誘商舶之計
其海南船及諸蕃船自證年例抽解伏望
特賜割下以憑遵守施行實慶二年
尚書省割付慶元府從所申事理施行準
此

高句麗國在唐及五代皆有傳本扶餘別種以
高爲氏今其王曰王氏王氏之先曰建高麗大
族也高氏政衰國人以建賢共立爲君長後唐
長興三年稱知國事請命于明宗乃拜建元菟
州都督充大義軍使封高麗王建卒子武立武

卒子昭立

皇朝建隆三年遣使來朝 賜以功臣之號仍

加食邑 開寶九年昭卒子伯立遣使請命復

錫舊封自是世襲每請封爵修職貢或臣于契

丹則職貢闕 大中祥符七年王詢大破契丹

請正朔于

皇朝朝議難之止賜封冊大抵來不拒去不追

間遣使加恩不以爲中國重輕也 熙寧二年

前福建路轉運使羅拯言據泉州人黃真地名

宗狀嘗以商至高麗高麗舍之禮賓省見其

情意欣慕聖化兼云祖彌以來貢奉朝廷奉聖
遣使之後久違述職便欲遣人與真同至恐非
儀例未敢發遣兼得禮賓省文字具在乞詳酌
行時拯已除發運使 詔拯諭真許之高麗欲
因真繇泉州路入貢 詔就明潤州發來自是
王徽王運王熙修職貢尤謹

朝廷遣使亦密往來率道于明來乘南風去乘
北風風便不逾五日即抵岸明州始困供頓

元祐二年高麗僧義天至明州上疏乞徧歷叢
林傳法受道有 詔朝奉郎楊傑館伴所至吳

中諸刹迎餞如王臣禮惟金山僧了元床坐受其大展謂楊曰義天亦貴國僧爾叢林規繩不可易

朝廷聞之以了元知大體蘇文忠軾有送楊傑

詩云三韓王子西求法

韓有三種曰馬韓曰辰韓曰弁韓皆高麗也義

天自謂棄主位出家

擊齒彌天兩勅敵過江風急浪如山

寄語舟人好看客

政和七年郡人樓昇除知

隨州

陞辭建議於明置高麗司曰來遠局創

二巨航百畫舫以應辦三韓歲使且請墾州之

積德湖爲田收歲租以足用既對改知明州復

請移溫之船塢於明以便工役創高麗使行館
今 寶奎精舍即其地也金國既盛高麗乃稟
金正朔 紹興三十二年綱首徐德榮至明州
言本國欲遣賀使有 旨令守臣韓仲通許之
殿中侍御史吳芾言高麗與金人接壤爲其所
役 紹興丙寅常使金稚圭入貢至明州

朝廷懼其爲間亟遣之回方兩國交兵德榮之
情可疑今若許之使其果來則懼有意外之虞
萬一不至即取笑夷狄乃 詔止之

孝宗皇帝朝始復通使 嘉定十七年高麗乃

棄金正朔以甲子紀年歷法與中國等其宗廟
社稷城邑州閭官稱冠服率髣髴中國曰樂浪
府者昔新羅也是爲東京曰金州者昔百濟也
曰鎬州者昔平壤也是爲西京地多大山深谷
而少平衍俗不敢有私田略如丘井之制隨官
吏民兵秩序高下而授之國母王妃世子王女
而下皆有湯沐田每一百五十步爲一結民年
八歲投狀射田結數有差國官以下兵吏士女
無事則服田惟戍邊則給米地軍黃梁黑黍寒
藥胡麻二麥其米有粳而無糯粒大而味甘中

國賈人至其地風候逆或二三歲不可返因室
焉返則禁其妻若子不得從再至有室如初本
府與其禮賓省以文牒相酬酢皆賈舶通之縑
貨具于左

細色

銀子

人參

其幹特生在在春州者最良亦
有生熟二等生者色白而虛入藥則

味全然涉夏損蠹不若經湯釜而熟者
可久留舊傳形區者謂麗人以石壓去

汁作煎今詢之非也乃參之熟者積聚
而致爾其作煎當自有法也昔國使

至麗館中日供食菜謂之沙參形大而
脆美非藥中所宜用

麝香

紅花

茯苓

蠟

麝色

大布

小布

毛絲布

俗種苧麻人多衣布絕品者謂之
純潔白如玉而窘邊幅王與貴人

皆衣之至府
者乃其麗也

紬

俗本不善蠶桑其絲綫織絳皆仰賈人
自山東閩浙來然頗善織花綾有文羅

緊絲錦劉後得北虜降卒工技益
巧染色又勝於前日紬乃其麗也

松子松花

松有二種惟五葉者乃結實羅
州道亦有之松房狀如木瓜青

潤之富方其始生謂之松房狀如木瓜青
潤緻密得霜乃折其實始成而房乃作

紫色國俗鱗果有羹哉亦
用之不可多食令人嘔吐

栗

大者如桃今至府者皆栗肉小而堅熟煮乃可食

棗肉

榛子

椎子

杏仁

細辛

山茱萸

白附子

蕪荑

甘草

防風

牛膝

白朮

遠志

茯苓

薑黃

香油

紫菜

螺頭

螺鈿

皮角

翎毛

虎皮

漆

出新羅最宜飾鑲器如金色

青器

銅器

近年禁不出

雙瞰刀

蓆

合蓆

日本即倭國地極東近日所出最宜木率數歲

成圍俗善造五色牋銷金爲闌或爲花中國所
不逮也多以寫佛經銅器尤精於中國賈舶乘
東北風至縑貨具于左

細色

金子

砂金

珠子

藥珠

水銀

鹿茸

茯苓

麤色

硫黃

螺頭

合葦

松板

文細密如刷絲而
瑩潔最上品也

杉板

羅板

卷之四 郡城 海南占城西平泉廣州船 貼客水手例以

分抽一分般販鐵船 不分綱首雜事梢工

二十五分抽一分

細色

麝香 箋香 沉香 丁香

檀香 山西香 龍涎香 降真香

茴香 沒藥 胡椒 檳榔

革澄茄 紫礦 畫黃 蠟

鱉魚皮

麝色

暫香 速香 香脂 生香

麝香

黃然香

雞骨香

斬刈香

青桂頭香

藿香

鞋面香

烏里香

斷白香

包袋香

水盤頭

紅荳

草撥

良薑

益智子

縮砂

蓬莪朮

三賴子

海桐皮

桂皮

大腹子

丁香皮

桂花

薑黃

黃蘆

水鱉子

茱萸

香柿

磕藤子

瓊菜

相思子

大風油

京皮

石蘭皮

獸皮

苧麻

生苧布

木錦布

吉布

吉貝花

驢鞭

釵藤

白藤

赤藤

藤棒

藤篴

宋木

射木

蘇木

椰子

花梨木

水牛皮

牛角

螺殼

蚶螺

條鐵

生鐵

外化蕃船

遇到申上司指揮抽解

細色

銀子

鬼谷珠

珠砂

珊瑚

琥珀

玳瑁

象牙

沉香

箋香

丁香

龍涎香

蘇合香

黃然香 檀香 阿香 烏里香

金顏香 上生香 天竺香 安息香

木香 亞濕香 速香 乳香

降真香 麝香 加路香 茴香

腦子 木札腦 白篤耨 黑篤耨

薔薇水 白荳蔻 蘆薈 沒藥

沒石子 檳榔 胡椒 鵬砂

阿魏 脰肭臍 藤黃 紫礦

犀角 葫蘆瓢 紅花 蠟

麝色

生香

修割香

香纏札

麝香

暫香

香頭

斬剉香

香脂

雜香

盧甘石

窠木

射木

茶木

蘇木

射檀木

椰子

赤藤

白藤

皮角

鱉皮

絲

簞

牙契

有正限納者有放限納者分隸不
同慶元多大家典買田宅投印者

甚少今以嘉定
十七年所收記之

正限五千四百二十六貫七百九十六文

諸司四千七百三貫七百六十六文

本府七百二十三貫三十文

放限七萬二千四貫八百五十七文

諸司三萬七千六百二十一貫六百一十七

文

本府三萬四千三百八十三貫二百四十文

雜賦

免役錢兩料共計七萬七千九百二十一貫四

百八十四文

六縣截支吏役錢三萬四千七百九十三貫

七百一十六文

本府八千一百六十三貫七十六文

錢在京官負產錢及支府吏錢並在內

經總制司錢三萬一千七百五十一貫七百

四十八文

官戶不減半錢二千八百八十三貫九百二

十文

奉化慈溪昌國三縣頭子錢三百二十九貫

二十四文

茶租錢一千九百九貫五百五十文

九百八十四文今除奉化縣逃絕戶四分錢有此額

水脚錢八千九百貫文

昌國縣砂岸錢四千餘貫文

樓店務錢約二千貫文隸公使庫

鄞定海慈溪河塗租堰錢三千三百七十八十

文隸公使庫

鄞定海慈溪城基房廊錢二百三十一貫二百

四十文隸公使庫

截補身丁錢七千貫文五代時東南割地分國者率計口算繕故有身

丁錢一丁有歲納數百者皇朝累經減放大中祥符四年詔兩浙福建荆湖

南北路身丁錢並特赦除而州縣率行不度慶元五年中書舍人陳傅良劾奏

事及之本府元惟身丁銀一萬八千九百八十八貫六百二十文內四分充糧本六分

充係省支遣開禧元年十二月十九日

御筆方今大計在寬民力曉效二月十九日

行都尤當優恤以厚根本况承平歲久生

齒日繁程其賦租之餘重以身丁之歛吏

弗加省民輸益艱中夜以思靡遑安處非

不知國用所繫儲積宜豐顧寧損於縣官

以少紓於百姓爰敷曠澤庸示至懷其兩

浙路身丁錢可自開禧二年永興除放

本府續申朝廷蒙行下每年於合解

上供折帛錢裁七千貫補助支遣

僧道免丁錢一萬一百一十六貫六百文隨帳

定額發歲無

河渡錢一千八百五十八貫四百三十九文判通

鑒催

鄞縣桃花渡每界額錢三千四百二十五貫有

奇定海江南渡每界額錢一千三十七貫有

奇淳祐六年冬制帥集撰顏公頤仲以兩

渡爲往來民旅之害申朝省撥府帑代輸

常平司免拘渡錢以便民仍籍定民船輪載

人收二錢省割附于下方

尚書省割于備據本府申本府管屬

有桃花渡在鄞縣之東有定海渡在本縣之南其水交匯其涂四達近通六邑遠出

大洋是爲民旅往來之衝農牧出入之地輜馬羅檐朝夕不絕每一歲兩渡共拘錢

一千四百八十七貫有奇錢會中半十數年來府第買撲歸私置場設肆於收錢外

免所以爲征取者殆將百出又有一等免俾不逞無藉之人入爲稍主蒿手相助

爲虐輕則毀辱衣巾損壞器物或加擄擄
不幸而驚覆則又有性命之虞其爲民害
甚矣復與東商外賈漁戶販夫東私掩蔽
其爲般挾銅錢隱漏稅貨乏事而官又被
其害焉順仲到任之初首明砂岸與官渡
均爲四明之害竊計所管課額散在他司
用度所關未易除罷乃攝節浮費先措置
錢五萬餘貫代納砂岸租錢而一害先去
固嘗具申得蒙從請再辦此一千四百餘
貫錢會欲代輸兩渡常平窠名未施行間
忽據白劄子陳述謂此渡之爲民害者四
爲官害者二載詳其言若不可一朝居者
豈容坐視而不與之區處遂令財賦司供
具所管錢數牒通判東縣免拘此兩渡錢
每月仍於本府照數撥填庶幾二害盡去
而海邦之民永拜無窮之惠狀申尚書
省指揮行下照得杭花定海渡拘錢之弊
委爲一府往來民旅之害今本府免拘此
錢一從民便實爲永久之利割付慶元府
照應施行詳見兩渡碑刻

湖田

初高麗使朝貢每道于明供億繁夥 政
和七年郡人樓昇因 陛辭赴隨州請墾
廣德湖爲田收歲租以足用有 旨改知
明州俾經理之明年湖田成及高麗罷使
歲起發 上供自水軍駐劄定海江東兩
寨 朝廷科撥專充糧米

糙米四萬六千二百七碩六升五合四分

職田

咸平二年七月宰相張齊賢與三館閣

參定職田之制兩京大藩府四十頃次藩
三十五頃防團州三十頃中上刺史州二
十頃下州及軍監十五頃邊遠小州上縣
十頃中縣八頃下縣七頃爲三十等轉運
副使許於管內給十頃其諸州給外剩者
許均給兵馬都監監押寨主釐務官錄事
參軍判司等其頃畝多少比類通判幕職
之數以官莊及遠年逃田充悉免稅及差
徭所得租課均分如鄉原例州縣長吏給
十之五自餘差給詔從之 天聖七年言

者謂職田有無不均吏或不良往往多取以殘細民詔晏殊等參議遂停罷官收其入以所直均給未即行九年二月上閱天下所上獄多以賄敗者詔復故慶曆三年九月參政范仲淹等以有無多寡不同乞行均給乃更定田限藩府二十頃節鎮十五頃餘州十頃通判六頃判官四頃幕職官三頃縣令萬戶以上六頃簿尉給半五千戶以上令五頃簿尉二頃五畝不滿五千戶又殺之無田或頃畝不足

不可耕者三年內檢括官荒田并戶絕地
土及五年以上逃田充 靖康元年詔在
州見任官職田權借一年變易輕貨輸內
藏庫 建炎元年五月詔罷住職田令提
刑司收椿具數申省 紹興三年七月勅
選人七階以舊祿比今物價恐不能贍給
其家可將無職田選人并親民小使臣每
貲月支茶湯錢一十貫內職田不及此數
者補足自此選人小使臣有茶湯錢之制
而職田或給或收 隆興元年六月權借

一年 乾道元年七月權拘三年今本州

公租存者僅如左方

米五千四百八碩

官員宗室諸軍俸料舊來支十七界舊會淳祐
五年七月 制帥集撰顏公頤仲並支十八界

新會歲增錢七十六萬四千六百六十貫

對本府財賦有入爲出僅可支吾前此
累政比有增收創置誠可嘉羨近據俞舉其
呈見任寄居官員宗室軍兵俸料多辦藥會
酒米綿絹細布折價爲數未登因念制帥以
任官必須寬融而後可責其奉公守節制
以養兵必須優潤而後可勉其趨事赴功並
悉全支新會仍添折價錢緣官軍到任
已將諸縣淳祐三年拖欠官錢玖拾肆萬餘

實並行住僦府計額除宗室並從次第增改
會外應見住寄居官員宗室並從次第增改
公庫省務酒額太專知等入徒役監繫仍
前拖欠合與減額兩府判廳起綱支糧頗有
欠關合與添助二稅折納太重合與減價
得年穀婁豐加以均節歲計或有贏餘則增
收創置之事續議
區題須至曉示

常平倉

淳化二年 詔置常平倉歲熟增價糴歲歉減
價糴用賑貧民本李悝平糴之法其後以收沒
官田租入或賣屋地坊場河渡以其錢糴入
州縣寬剩錢米入凡老疾貧丐者固枯者流徙
者率以是濟之本府素無椿積

朝廷間撥降度牒糴米賑濟隨糴隨支無定額

義倉

康定二年置 紹興六年總制司申明 大觀
指揮每碩納一斗至今民戶納正苗米一碩即
納義倉米一斗一斗即納一升本隋社倉之法
使民舉粒米狼戾之贏以備水旱者也故 著
令惟許賑給不得它用縣遇災傷當職官體量
自第四等以下闕食戶給散若放稅及七分以
上通第三等給並預申提舉審度行訖奏 紹
興七年戶部侍郎王俱奏常平六事其二曰封
樁義倉斛米於義倉米率附常平倉

制置使司平糴倉

國朝沿唐舊州縣各置常平義倉所以備水旱
抹凶荒也然常平置使自專一司州縣發歛皆
稟命焉雖河內有飢民不容以便宜從事此制
置司所以自牂平糴倉蓋有以也然必以制司
名倉者州郡不得以支移他司無與也制置知
府祕撰陳公埤有見于此 淳祐二年正月開
藩二月即疏聞于

朝乞俟本府支衣大閱後凡省庫公庫纔有所
積即取撥令填播管委兩通判專掌此錢為平

糴本未及暮年積券已及八十五萬復申請于
朝乞免解前政任內借撥農寺十八界會子三
萬貫準

省劄行下略云聞陳制置見議荆平糴倉以利
民要得此錢以充糴本指此以助四明利民之
事從申銷豁十八界一準十七界五展計十五
萬券湊及百萬之數大要欲糴米穀各二萬斛
文思米糴于吳穀糴于鄞數或不及椿留餘券
以俟續糴度地城西得醋庫餘基不足則買民
田給官錡易隣寺之荒畦凡建屋二十六間曰

廳曰泊水曰中門曰大門各三曰倉十四分爲
六教以豐年亦有高廩名扁大門曰制置使司
平糴之倉四周以牆三面環水前後有水步塢
工於四月丁卯迄事于十月甲子提督措置營
造則通判尤端添差通判趙體要路分傅端倘
役水軍而給券物和買而給錢無一字文移下
諸邑故不擾而辦倉有提督於制司屬官選監
倉於本府職曹選門官則差水軍將佐月各添
給歲以正月委官覈實城內外之合糴者糴者
絡曆以二月初糴濟年豐穀賤則不須舉糴又

者新陳相易之法米糴則錢在錢出則米歸制
帥交承則登載帳冊上其數于

朝每歲六月一申歲終再申亦如之詳見制置
司幹辦公事林元晉所編規約附以倉圖記則
觀文殿大學士鄭申公作帥守陳公又自作平
糴銘銘曰

千斛在市

物賈自平

其平伊何

持衡有人

願歲常豐

穀石錢五

此倉之設

姑備先具

三年春公以大理卿召未行易鎮吳門又念糴
賈雖平而寒窶之民在所當濟久之必虧糴本
遂再捐三十萬爲賑濟之助悉以聞于上

制置使司平糴南倉

倉以南名別西倉也西倉已儲粟二萬二千餘
碩淳祐四年制帥殿撰趙公綸以官地兩
易延慶寺西蔬圃建南倉儲五年六月以後續
添之數規撫視西倉益闕詳見提督官司存案
緝所具條約緇徒規復蔬圃外臺遣屬俾詣
郡審處制帥集撰顏公頤仲力主爲民之議

而前政成規迄以無撓輿論違之

椿積倉

淳祐四年

制帥殿撰趙公綸撥錢五十

二萬三百貫糴米一萬九千五百碩有零
此倉附平糴南倉教

新椿積倉

淳祐年

制帥集撰顏公頤仲期已糴

到米一萬碩有奇附省倉西倉署往字教

朝廷窠名

共七色

銀綾

綃鹽鈔紙

綃錢

帛

銀一千兩

每兩折錢三百貫文省

聖節五百兩

大禮年分五百兩

綃一萬四千五十七匹

夏稅和買四千八百五十七匹

歲幣八千二百匹

元遣金國歲幣於夏稅綃內起發朝廷既罷歲幣

指揮折錢特優卹下四等五等人員每匹止折納錢四貫文有司不體朝廷

優卹之意每歲衆是大家以錢折納實慶二年守胡禁視事始報究必從

指揮施行

聖節五百匹

太禮年分解發左藏庫五百匹

紬二千七百二十四匹

綿一萬八千五十三兩

綾一十匹

唐國要圖云貢交梭綾正元十道錄云貢吳綾元和國計圖云貢吳綾乾

山藥唐書云貢吳綾交梭綾海味山藥附子十道四蕃志云舊貢紅鰕鮓大鰕

米九成志云貢綾十四匹烏鰕骨五斤乾山藥一十五斤今止歲貢大花綾一

四十

鹽鈔紙七萬九千三百幅

歲支錢一千一十九貫五百六十八文錢

會各半行下奉化象山鄞縣收買越太
府寺交引庫其錢會於軍資庫係省錢
鹽倉別納家息
錢各支一半

錢

折帛錢一十七萬六千七百二十五貫文

內截

留七千貫文補
放免身丁錢

無額 上供錢三千九百九十貫文

御膳羊錢五千五百九十五貫七百四十四

文

供給錢八百貫文

起發七分酒息錢一萬五千三百九十六貫

一百八十五文

紹興七年始贍軍庫起發

糴本錢四萬三千八百貫文

宣和五年始舊額九萬六千

九百七十八貫四百三十九文內於酒務係省錢撥出四分發到三萬八千

十七貫二百九十三文餘錢係諸稅以日生收到歲分撥及村坊買糶認納

并人戶身丁錢湊足赴糶場交納其後減罷稅場及在省倉和

糶場交納其後減罷稅場及在省倉和年放免身丁錢額頃虧戶部司農寺歲

實催發錢五萬八千七百二十六貫三百三十八文繼此酒場減造米斛嘉

定八年旱蝗相繼此酒場減造米斛嘉十三年火災朝廷放免竹木稅錢累

年止催解四萬六千貫文實慶二年解四萬解四萬二千貫文其遂年所虧錢數部

萬三千八百貫文其遂年所虧錢數部寺每行下照例流水登

帶補發至郊敘釋放

僧道免丁錢一萬一百一十六貫六百文紹興

十五年始歲無常額以括青帳狀多少為數

經總制錢

熙寧十年初置經制熙河路邊防財利司宣和三年因陳亨伯在

陝西河北措置有條遂推行於東南始有經制兩浙江東路財用司靖康初

罷建炎三年臣僚言邊事未寧理財最急與其暴斂於倉卒曷若取之於細

徵今除不便於民如納免行錢減罷曹官役人錢鈔旁定貼錢院虞候充獄子

重祿錢牛畜等契息錢契白紙錢不可施行外所有權添酒錢量添賣槽錢

戶典賣田宅增添牙稅錢官負等請頭子錢樓店增添三分房錢共五項欲

令東南入路州軍收充經制錢從之於是戶部領經制司紹興五年參知政

事孟庚提領措置財用以總制司為名措置經畫窠名轉運司移用錢勘合未

墨錢出賣係官田錢人戶典賣田宅
畜等於赦限內陳首投稅印契稅錢
獻貼納錢者戶長雇錢抵當四分
人戶典賣田業收納得產人勘合錢
平司七分錢見在金銀茶鹽司袋息
錢椿還舊欠裝運司代發斛斗錢收
頭子錢官戶不減半民戶增三分役
見椿數二稅畸零剩數折納價錢免
一分等剩錢並充總制司錢其後經
總制皆歸戶部州縣往來以兩項窠
混而為一諸縣委縣丞無縣丞委主
諸州軍委通判無通判委簽判拘收
刑司檢察本府
歲額具如左

正額錢二十一萬五千三百七貫九百三

十文

舊經年額四十一萬八千二百
五貫六百六十八文內經制錢

二十一萬一千七百七十三貫四百
九十一文總制司一十九萬九千五

十二貫一百七十七文其錢出於屬
縣給納二稅頭子勘合者戶長免役
重外酒稅并人戶典賣田宅稅契窠
名等拘收自後酒場沽賣不行減造
額米商稅少有客旅典販二稅內有
坪江事故出豁歲復一歲虧收元額
累年止總赴及二十餘萬貫朝廷
比較多是居殿嘉定四年提刑程
覃攝守究極源流申請豁無額經總
制錢二十六萬貫蒙朝廷行下戶
部先與理豁一十六萬三千三百一
十三貫七百六十二文而尚有無額
之錢竟無可催移
東補西僅湊今額

經制九萬四百五十四貫八百五十五文
總制一十萬五千三百二十二貫一十

八文

添收頭子五千二百一十三貫五百六

十九文

增收勘合二千五百四十五貫六

十五文

改撥牙契七千四百二十六貫五百五

十一文

無額四千三百四十五貫五百七文

右本府歲於軍資庫撥錢六萬五千

一百九十八貫付通判廳商稅一萬二千六百

二十九貫諸倉頭子二萬九千三百六

餘錢並係通判廳於六縣及倉庫場
務自行拘催然常催不及額內水軍
官兵 宣限券食春冬衣錢共一十
五萬七千八百二貫文及韶王府香
火官茶湯俸料錢史越忠定王府宣
借人春冬衣錢並就內截支尚且不
足餘經總制錢五萬緡解發赴

部每無可解本府不免於交承錢
允借應副通判廳起發次年於合撥
倉場庫務錢內消還消未足而又借

致本府交承錢常掛欠五六萬緡積
習已久弊不可革守尚書胡榘嘗申
省乞減下本府歲所解 戶部經
制五萬緡以寬州郡

朝廷下 戶部勘當 戶部難其請
不報

內藏庫錢一萬三千貫文

太中祥符間始有坊場正名錢元

豐勅諸場務每年從本寺於諸路那移
一百萬貫赴內藏庫寄帳封積本府舊
額一萬五千貫嘉定十七年攝中府願備
止五千貫

申朝廷定今額逐年係通判廳催發

左藏庫錢

坊場七分寬剩錢一萬二千九百六十

貫一百六十六文初降指揮坊場淨利錢除認發內

藏外餘為七分寬剩三州用紹興元年買撲坊場價上增添淨利錢

五分十六年本州拘發七分寬剩錢三萬四千餘貫五分淨利錢二萬四

千餘貫官錢既重坊場由是沽賣不行多是停閉二十三年勅令坊場

敗關稅務停罷內庫錢猶不敷安得寬剩本州將敗關去處出榜召賣入

價者皆不及元額照常平免獲價雖高不及舊界承買入錢徽

出賣法垂榜一次無人投狀並前項人乾道四年申戶部行狀

及縣實九千餘貫五分淨利錢發及

二萬一千餘貫繼此又多敗闕淳熙八年勒今後諸州不許未數內

庫正額先納寬剩十一年九月十四日勾提舉申請將敗闕關停無人送

納官錢去處依條免納五分錢外正名課利錢元額減退五分出外

諸色人投狀通產不問官民戶有無諸般違礙並許承買全無屋宇去處

免納官錢一年有屋宇可以造酒者免納半年自後每年開具實催起發

數目夾細帳狀申戶部符下提舉司行下本州措置置興復本州不住出榜

召賣拘納價錢起發慶元六年知府陳杞點最高年分定今額然逾年

坊場又多敗闕歲虧錢二千八百貫文本府撥降助通判屢起發

坊場五分淨利錢八千三百二十七貫五

百六十八文慶元六年知府陳杞點最高年分爲額一萬三

百二十五貫文
嘉定六年通判章
良朋以坊場敗闕關停處多具實催
細帳申朝省起發七千三百七十
三貫九百一十文
嘉定十三年
提舉司準朝省行下委婁提幹前
來覈實管發十千五百七十五貫八
百五十一文
嘉定十六年戶部行
丁措置興復增添諸縣申到坊戶二
十五所定今額
係通判廳催發

官戶不減半役錢二千八百六十九貫八

文

乾道二年始係
通判廳催發

聖節折銀價錢八百二十五貫文

大禮年分折銀價錢一千三百二十五貫文

二鎮折銀錢通判催
坊場辦渡錢起發

減省人吏雇錢一千六百三十二貫文宣和

三年始

在京官負雇錢二百二十五貫文紹聖九年始

經一百五十貫文二項並
係本府催縣役錢起發

監司窠名

轉運司錢三萬四千一十四貫六百八十八文

舊經月解等錢三萬四千八百一十六貫
八百三十八文移用降本錢一萬八千八
百九十三貫六百五十三文通為錢五萬
三千七百一十貫四百九十一文內有無
指擬錢一萬三千五百貫文每年戶部及
轉運司改撥別處州軍取發而本府裏外
場務沽賣不行減造糯米尚有無催錢六
千一百九十五貫八百三十三文

年備前件曲折申轉運司以此
年無旱傷最高額催發此數

月解通計二萬六千貫文

每月發二千一百六十六貫六千六百六十六

十八文

移用降本七千貫文

殿步司馬草三千貫文

重華宮糯米二千貫文

御酒庫糯米二千貫文

寬餘耗剩米五百貫文

行下支撥官吏茶湯食錢及雜支等錢五百

一十四貫六百八十八文

提刑司

聖節拋降銀二百五十兩計八百二十五貫

文

贓賞錢二百貫文

常平司

應內藏左藏庫錢並隸常平司

鹽課

崇寧三年始行鈔法罷兩浙淮南官般官
賣鹽聽客人鋪戶任便興販先於權貨務
入納鈔引錢二十四貫省別於主管司納

窠名錢請鹽一袋三百斤本府舊止七場
開禧以來又創建七場二場置台州支發
不行乃撥隸本府鳴鶴運鹽又隸本府於
是官吏始繁矣守胡榘請于 朝乞從福

州例置歷拘收出剩教底所賣鹽貨支官

吏俸給劄子附見于下證得本府經常所

增只如寄居官及宗室官月俸一項前此

各立三十員為額昨因 寶賞 覃恩上

次宗室出官人數額添目即額外各見添

放數十員源源而來未已無策可以措置

添收財用深思有以畧加撙節竊見慶元

府台州兩郡諸鹽場官計一十九員職事

與本府一毫不相干涉却乃月就本府

支請給劄計一千一百餘緡其俸未

支請給劄計一千一百餘緡其俸未

在外考之諸鹽場收支鹽課最爲豐羨除
買發提鹽司額錢之外本場有出剩數底
鹽貨每月不下收二三百千其場官公廉
者多以應副遊謂干求之用其貪吝者悉
爲席卷之計昨來福州趙丞相忠定爲
帥日應本路漕司監鹽官在福州境內者
每月視其官資幫旁發下各場令將每月
所收出剩教底所賣鹽貨置曆拘收自支
各場官吏俸給皆以爲便諸場亦無辭說
今來本府不敢自便合具申朝廷乞賜
割下本府從福州上件體例施行其於
提鹽司別無相妨庶可少寬本府郡計實
幸爲至

舊七場管額鹽五萬一千九百二十袋九碩九
升六合三勺

昌國監額一萬二十六袋一石九斗九升二

合五抄

岱山場額一萬四千六十袋一碩一斛

東江場額一萬二十六袋一碩一斛九升六

合二勺五抄

以上並屬昌國縣

玉泉場額五千二百二十袋

象山縣

大嵩場額二千六百八十袋五碩六斛四合

鄞縣

清泉場額四千九百八袋

定海縣

長亭場額五千袋

台州

創建七場管額鹽二萬三百三袋六碩

龍頭場額一千八百七十七袋二碩開禧元年於

海縣創置

穿山場額三千袋乾道中立為清泉水場分太丘海晏兩鄉隸焉

禧二年改為正場

高南亭場額三千六百袋高亭南亭二甲元隸於山場相阻一

鎮舟行則經大洋嘉定元年立為正場

杜瀆場額四千一百六十六袋四碩場屬台

不行嘉定元年隸本府鹽倉寄賣

玉女溪場一千六十袋本玉泉水場以監官律來迂遠嘉定四

年立為正場

長山場額三千袋

元隸清泉場亭戶以涉嶺路遙紹興三年率錢就

長山買地置衙屋號長山場請清泉運鹽官及時前來買納嘉定四年立為正場

移建石湫碑下

蘆花場額三千六百袋

本昌國西監子場名曰東監月額二百二

十五袋嘉定四年提鹽司差官相視增為三百袋五年立為正場

窠名官錢

貼納錢每袋六貫三百六十文二分錢會各

半

鹽本錢四貫八百文發下諸場買鹽

雇船水脚錢四百一十文充諸場運鹽船

柏外脚

貼收水脚錢一百三十八文上下半年解

發權貨務

袋本錢二百三十八文充支造袋局席本

錢

袋本剩錢六十二文上下半年解發權貨

務

三分錢二百五十文四季解發封樁庫

別納袋息錢四百四十文專充官吏食錢

封頭物料錢一文三分做造鹽袋封頭

封頭錢九分月解提鹽司

雜收錢二十文月解提鹽司

鹽倉凡遇支遣每貫除頭子錢四十文五分

經總制司三十三文

提鹽司七文五分

客請封樁私鹽每袋收三百五十文

袋本錢三百文

充私鹽賞錢五十文

郡志卷第六

此冊亦內廷物為是原裝前有五福五代堂古稀
天子寶一、徵齋念之寶二、太上皇帝之寶三、凡
天祿藏書前法葉類皆有之、高宗內禪後所
鈐者也、又乾隆御覽之寶、楷國一天祿繼鑑一
天祿琳琅一、石渠所自辛亥後流出者蓋夥、唐子西符
日御見鈐錄零緒、補璧同珍、此冊存七八兩卷
少差、叙兵八卷、叙人自是宋刊佳者、亦得、於
寄呈、向年許、癸亥人日、正閣居士謹記

四明志卷第七

郡志卷第七

叙兵

制置司水軍

紹興二年制置始置司所統兵駐劄定海

防托海道十一年兵隨司罷

詳見官僚門

三十

一年金虜渝盟寇邊明州城下復屯殿司

水軍二千人隆興元年海寇朱百五等

猖獗戶部侍郎趙子瀟復帶沁海制置使

知明州就領殿司軍二千人收捕二年

寇平所屯兵 朝廷節次起發前去子瀟
奏明州密邇 行都水陸控扼事體非輕
乞存留揀中禁軍未起發人又乞招置水
軍一千人仍奏陞水軍統領鄭廣爲統制
存留聽明州使喚自是明州駐兵爲額三
千 乾道七年差林文充統制仍將本官
自福州帶來水手一千撥付兵額始有四
千其後分二百人隨一訓練官於州城外
江東寨駐劄統兵官有統制有統領統領制

本統御前軍馬 靖康之變有州縣起發
勤王人兵管押一二百人差充統制者

有諸道總管及諸司妄稱便宜差充統制者

高宗皇帝建炎元年劉光世言朝廷設

一統制體貌非輕乞除行在及中都主

兵官朝廷差充統制官外餘並罷從之

其後率以御前軍馬出戍此統制統領

所以分駐諸邊也制置司水軍本又有正

殿司故有統制統領以統之

將副將準備將各三員兵四千人曰軍義

兵曰吐渾兵離為二十二隊分隸于三將

都副撥發都壕寨訓練官以次領之不入

隊者俟闕填補棟汰者不係帳老病而無

家者為孤貧有官階者加請給而不入隊

不係帳與孤貧者皆有月給名籍登降廩

給厚薄兵財司以時勾稽并噐甲船具枚
數之季月必聞于 樞密院神前石衢三
姑宜山馬跡關粵海驢礁及海洋南北中
間晝夜巡徼三日一報 樞密院及 尚
書省平江府許浦水軍與定海水軍月差
將官巡海互至書歷 嘉定三年旨也三
姑岑江烈港海內白峯五寨土軍亦聽水
軍統制節制歲自十月朔巡檢指使同將
佐領土軍二百五十人水軍五十人於三
姑山卓望三月朔乃止 嘉定七年從攝

守程覃請也

五寨雖聽水軍節制然各有寨官統轄無舟船可以往來

水軍相去遙遠所謂節制者皆具文卓望三姑則有生券之費寶慶二年守胡桀

申請以泮江白峯兩寨僻在山巖未甚緊切欲撥還定海昌國縣承受行移巡捕之

役而岱山管界兩寨皆要害之地却撥隸水軍節制總三姑烈港海內岱山管界五

寨兵額元管一千一百一十八人今見管止八百三十四人欲分為六隊屯駐五處

三姑都巡檢司見管四百三十五人於內以三百九十五人分為第一第二隊仍舊

屯三姑寨每季輪流一隊卓望三姑山更不須從水軍遣人却就三姑寨中撥四十

人湊烈港見管六十人共一百人為第三隊分屯烈港其管界寨見管一百二十人

為第四隊岱山寨見管一百四人為第五隊海內寨見管一百一十五人為第六隊

各屯本處其五寨官並從省罷止以水軍正副準備將及訓練官分領並以水軍第

四將繫銜其舟船器甲悉從水軍措置料理
度幾事權歸一教閱有常可備緩急事

報竟不
定海水軍 朝廷既撥湖田米及經

總制錢給之每歲 樞密院又劄下轉運

司支降官會二千貫支散口累重大錢初

置司有犒賞庫後隨司罷重置司日有庫

無錢 開禧元年封樁庫支降官會四千

貫充循環庫卒貧而病者貸之母得取息

物故勿追所貸 嘉定四年攝守程覃撥

盜賊銀易錢六千七百九十五貫七十五

文省於江東置庫繼而本錢虧陷撥寄定

海水軍庫今水軍併酒庫息月解錢三百八十貫九百一十文省支給官吏猶未足也

統兵官

統制

統領

正將三員

副將三員

準備將三員

正兵二十二隊總有二十名色分隸于三將

訓練官二十人

押隊四十四人

擁隊四十四人

引戰教頭二十二人

旗頭一百三十二人

牌手一百七十一人

刀手七百七十一人

槍手四百六十八人

弓箭手五百五十六人

弩手八百六十人

角匠二十二

金手二十三

鼓手六十一

準備帶甲旗頭四十四

梢礮旗頭二十二

隊司二十二

梢工六十六

礮手三百三十

押火二十二

火頭一百九十八

不入隊今六百人有奇

不係帳今五十人有奇

孤貧今一百九十人有奇

寨屋五千六百九十三間

定海五千三百九十三間

江東三百間

房廊六百三十三間專係統制司收賃錢以修

軍器

定海五百五十三間

江東八十間

禁軍廂軍

寶慶三年守胡
渠重修諸營

國初收天下勁卒列營京畿南征北伐率
從中遣故惟三司卒稱禁軍州郡止有廂
軍鎮守廂乃藩鎮舊名如曰左右廂曰第
幾廂蓋部分之別爾三邊屯戍卒或升禁
軍重之也嘉祐置威果指揮而後大郡
有禁軍元豐升雄節指揮而後禁軍滿
天下二軍初皆更戍在浙者或戍廣在江
者或戍浙欲其習險阻忘顧戀也禁軍惰
怯則降爲廂軍廂軍得力則升爲禁軍遴

選尤精闕額雖州郡自募京師實分遣壯
卒爲募士之準謂之兵樣其後易以木梃
木架而兵樣不至 熙寧初 詔江淮荆
湖兩浙福建等路州軍料揀強壯團結教
閱常留在州備禦盜賊於是罷更戍創額
招置漸多 大觀元年 御筆帥府望郡
各別屯兵每二年更互出戍然終亦不行
建炎以來遂廢 紹興六年廂禁軍闕額
二分住招方 熙寧團結時已有隸將不
隸將教閱不教閱之分循習旣久教閱益

具文變通之術必有所待

禁軍五指揮額二千三百三十人今一千四百

九十人

乾道四年守張津重修五營增屋九四百楹其後更革具見下方

威果三十指揮額五百一十人今三百七十

七人

嘉祐四年詔置就糧禁軍兩指揮各四百人以威果為名除捕盜不許

他役五年排次自荆南至州為第三十第

五十五年先是慶曆二年詔諸州置澄

海兵上大郡兩指揮各五百人四年又

詔上州添置土軍二千人為宣毅指揮多

於澄海揀撥乃廢澄海併歸宣毅繼多選
入京填補边上禁軍至是既置威果以本
州就糧步軍撥入宣毅亦廢
威果管西南宿頓成坊北
威果五十五指揮額四百人今二百一十一

人不隸將舊營以居養坊為之在子城東
南嘉定十三年火移建于忠順官寨

乃其舊基也

雄節指揮額五百一十人今四百八十七人

紹熙元年詔州郡所管廂軍即前代本
處鎮守之兵理合教閱宜令江淮荆湖兩

折福建等路州軍料揀強壯團結教閱以
故闕崇節指揮為名是時兩浙路廂軍見

管三萬一千六百九十人遂定以三萬
為額內三千五百人充教閱崇節其不係

教閱廂軍為本城諸指揮額過不得過三
萬之數六年六月以諸路教閱廂軍不一

可除教閱二字改為雄節指揮其不教閱
崇節依舊元豐三年閏九月陞雄節指

揮為下禁軍隸侍衛
步軍司管教場東北

威勝指揮額五百一十人今二百二十八人

大觀元年十一月御筆祖宗以來人未
繁盛兵數雖少可以支吾今承平百五十
年之久地大入衆兵寡勢弱非持久之道
可除見今兵額外帥府別也兵二千人望
郡一千人常管在營比諸軍加數數閱每
二年令更互出戍帥府五百料錢以威捷
爲名望郡四百料錢以威捷爲名望
郡三百料錢以全捷爲名望充步軍隸殿
前司管轄營西
北廂石板巷

全捷指揮額四百人今一百八十七人見威勝指

揮注不隸將舊以居養坊爲營今在小江橋側

廂軍九指揮除兩指揮無額外七指揮額二千

三百七十七人今一千二百九十九人

崇節二十八指揮額四百四十一人今二百

八十一人營天慶觀前

崇節二十九指揮額三百八十八人今一百五

十五人營東壽昌寺南

崇節三十指揮額三百八十八人今一百二十

六人營東壽昌寺北熙寧六年教閱崇節指揮改為雄節指揮此三指揮皆

不教閱崇節也先是元年嘗定教閱廂軍已別有額其不教閱廂軍人逐路相度州軍大小排定次第每指揮不得過五百人若人數至少去處只據元管均定

壯城指揮額二百人今一百九十三人熙寧初置

壯城指揮五年撥併不教閱廂軍為一額壯城專治城壁例不差出不在撥併之數元豐三年五月勅諸路已置一城兵士其有城壁樓櫓去處以城圍大小分為兩等

大城五十人小城三十人專充修城不許招棟填別軍分崇寧五年河東提舉李公年以潞州城壁頽毀申乞諸路州軍招填壯城兵士宣和三年勅立到壯城額帥府三百人節鎮二百人餘州一百人舊額多更來舊如合置壯城關額委當官限一月招足營影泉坊巷口比

都作院指揮額四百八十人今四十六人寧熙

六年詔諸路置都作院凡四十一所明州居其一九年正月樞密院劄子諸都作院元額工匠三百人以上置副正指揮各一人頭頭五人十將將真候承局押官各五人軍器以大觀元年十二月御筆東南州帥府封樁三將軍器望州兩將非軍須盜賊不得支用仍三年一修訖申提州司帥府望州未有都作院各許一處置立工匠帥府二百人望州一百人若帥府望州

人工物料不足許拋下出產諸州小作院
分造所造軍器東南土俗不同春夏氣暖
筋膠不可施用可三分中計以一分置土
俗所用器仗如偏架弩紙皮甲之類令本
路官取索講求便利輕捷可用名件製造
仍具圖樣名色聞奏靖康間諸作院多
物料不備匠人移占它役諸州軍遇有調
發軍器皆從京支降乃令提刑司專一管
幹有作院州軍招集匠人轉運司應副材
料紹興以來皆仍舊額本府作院營子
城南二里嘉定十三年火
移建威果三十指揮營側

船場指揮額四百人今一百七十九人船舊場有

採斫兩指揮皇祐初採斫兵級遇冬年
寒食各給假三日仍不佳口食若父母在
營身死給假五日妻死三日如因採斫身
死支錢一貫文其請過月糧醫藥錢並與
除放每歲十二月一日又初伏明溫台州招
至正月四日入役

置船場造兵士並依採斫指揮請受則例其
船場造船雜役人入山採斫材木者不得
別有差使元豐五年承旨司裁定兩浙
廂軍人數船場採斫指揮各以二百人為
額六年五月温州守臣石牧之奏乞今後
只從本州支錢和買材料更不發遣兵士
入山採斫兵士併入船
場指揮營城外甬東廂

清務指揮

本不以權酤而立一額而清務以因

事募人係專處置軍不在團併之數軍防
格酒務三萬貫以上二十人舊營在東南
廂鄞江門裏後多揀充禁軍及有
死云不曾招填營亦廢為民居

剩負指揮無額今一百五十六人

慶曆五年
差內臣往

福建等路揀選就糧禁軍及本城兵士如
病患可醫者減充半分剩負又或不堪與
給放俸公據若曾有戰功及陣亡人第姪
子孫令仍舊自後歲委監司分揀於是

刺負指揮然非疾病或衰老不任戰禦視
歲數有減切法諸廂禁卒自十將至押官

六十五放停惟副都頭以上獨免減切至七
十五放停惟副都頭以上獨免減切至七

十則放停而已凡減切及歲時揀汰疾病
稍堪役者充剩負兵級嘗有戰功應放停

者亦充看管不管事剩負其衣糧等各得
元來之半終其身 熙寧十年 勅逐州

就糧禁軍廂軍通計十分立一分為剩負
額聽於舊營居住過出軍每指揮留守營

常二十五人仍著為令 紹熙四年勅諸
路提刑司每遇巡歷就同守臣將揀中不

揀中禁兵并廂兵通選一次其少壯及等
並充揀中禁軍及是者充廂軍其年老禁

兵願充剩負者聽營天慶觀後
紹定元年火守胡榘重建

寧節指揮無額今五十二人待有罪配隸之以

城人熙寧二年指揮廂軍選補他額如牢
城元以杖罪到營亦許揀選 紹興十一年

年陳汰諸軍中傷老病軍負下本州養老
充牢城指揮 乾道九年閏正月樞密院
奏陳太養老料校有補充牢城指揮收養
名稱未當遂改爲軍節指揮營東北廂

土軍

皇祐勅杭秀溫台明五州界管轄鹽場地
分巡檢巡茶鹽使臣兵級並差本城兵士
一年一替 熙寧九年臣僚奏巡尉職皆
捕盜而縣尉所獲常多巡檢常少蓋尉司
弓手皆土人耳目諳習巡檢下乃糺雜客
軍又不許差出緝捉欲乞應巡檢下兵級
依舊額許招置土軍就巡檢解宇左右置

營諸處不得抽差遇有盜賊許依弓手例
差出緝捉有 旨令著作郎熊臯往淮南
兩浙路相度時浙東巡檢一十八處依元
額招置兵級將校一千六百三十人 元
豐三年或言諸巡檢下兵級皆雜攢廂禁
軍或屯駐客軍其間多西北人與本地分
不相諳委差到年歲稍能辨認道路山川
人物又迫替移至於海道亦不慣習使之
相敵終無必勝之理請令招置土軍以一
半招收新人一半許廂禁軍舊人投真庶

幾新舊相兼習熟使喚有 旨令巡檢下

土軍盡招置土兵不得輒差團結軍兵赴

巡檢下 元祐二年或言招置土兵歲月

既久間多親戚鄰里故相遮庇乃勅諸路

巡檢下土兵以元額之半輪差禁軍半年

一替將校節級準此其現今數多處候有

闕差禁軍填 崇寧二年臣寮復言禁軍

所至往往望替期又不諳習彼處道里宜

依元豐法一槩招土兵以代之八月 詔

兩浙東路巡檢下人兵依舊法招置土兵

宣和五年兩浙轉運提刑司相度本路巡檢額管軍兵自來如係招置處即依舊額招置所有差撥廂禁軍處乞一百人以下全招置土兵一百人以上招土兵一半餘一半差撥禁軍 紹興五年勅兩浙沿江海州縣巡檢下土軍自軍興後多是闕額今蕃賊盤泊淮南切要沿江海州縣土軍緩急使喚可令守貳專意措置招填足舊額外更添招二分不得將以前諸軍分撥到人兵充數 乾道七年勅沿江海州軍

諸寨巡檢下土軍更令增招

九寨額一千七百人今一千三百六十三人

浙東寨額一百二十人今七十七人

鄞

大嵩寨額二百人今一百七十六人

鄞

鳴鶴寨額九十八人今七十三人

慈溪

公塘寨額九十八人今六十八人

奉化

管界寨額一百二十人今一百一十七人

定海

海內寨額二百四十人今一百五十人

定海

三姑寨額六百三十八人今五百四十人

昌國

岱山寨額一百二十人今一百五人

象山

鮎埼寨額五十人今五十七人

浙東寨額內
撥隸寨屬奉

化

淳祐六年三月

樞密院行下條目一禁兵船

出洋虛批巡曆一令沿海列寨埼角勦寇二

修沿海三十寨戰艦一修沿海土兵寨屋從

制帥集撰顏公頤仲請也